



Þriðjudagurinn 17. ágúst 2021.

## Stjórnarfundur í Fjáreigendafélagi Reykjavíkur.

### 9. fundur

Mættir: Sveinbjörn Guðjohnsen (SG), Ásgrímur Jörundsson (JÁ), Finnur Kristinsson (FK), Kolbrún Kristín Birgisdóttir (KKB).

1. Hreynsunaráttak. Kvittanir eru farnar að berast frá Póstinum vegna afhendingar ábyrgðarbréfa. Ein sending óafgreidd af 10 sem fóru út. Sæmundur í 12B var búinn að heyra í SG og lýsti yfir ánægju sinni með framtakið og ætlaði að taka til á sinni lóð. Mikið til bóta það sem þau hafa gert. Eigandi 17A bauðst að koma á fundinn og ræða sín mál. Sendi skilaboð á SG þegar 40 mín voru liðnar af fundinum um að hann kæmist ekki.
2. Girðingarmál. Svar kom frá Vegageðinni í dag. Vegagerðin vill láta sinn verktaka vinna girðingarvinnuna. Kostnaður um 2,4 milljónir. Ekki fékkst samþykkt fyrir byggingu timbur sundurdráttarhólfs með aðkomu Vegagerðarinnar. Sundurdráttarhólfið þarf að vera úr gagnvörðu efni og þrjú hólf. Verið er að vinna í framkvæmdaleyfi fyrir nýrri Fossvallarétt. Hún verður ekki tilbúin fyrr en í fyrsta lagi fyrir réttir 2022. Kópavogsbær mun taka erindið fyrir á næstunni.
3. Sauðafell. SG fékk fleiri gögn vegna Sauðafells frá Ólafi Dýrmundssyni. Verður komið til Sigurbjörns Þorbergssonar lögfræðings, sem mun taka málið að sér fyrir Fjáreigendafélagið.
4. Fundur með Reykjavíkurborg. SG búinn að vera í sambandi við Sigurbjörn lögfræðing og er hann tilbúinn að aðstoða okkur í samningum við Borgina. Ætlar hann að útbúa minnisblað til þess að leggja fyrir borgina.
5. Baðhúsgirðingin. Þorsteinn úr Ölfusi er til í að koma girðingu upp við Baðhúsið. Búið var að nefna við Árna Geir með að jafna undir girðinguna. Ræða þarf við Stefán í húsinu við hliðina, hvort það sé ekki í lagi að víra girðingareiningarnar fastar við gerðið hans.
6. Lyklavöld. SG afhenti öllum sem voru mættir lykla að Baðhúsinu. EG var ekki og fær hún lykil á næsta fundi.
7. SG lagði fram ósk frá félagsmanni um að fá Baðhúsið lánað til þess að vera með aðventukaffi, jóla- og nýárscaffi. Því miður er ekki hægt að verða við þessum óskum, en rætt að mögulega gæti stjórn Fjáreigendafélagsins staðið fyrir kaffi um þetta leiti. Verður skoðað þegar nær dregur. Mögulegt að standa fyrir fleiri viðburðum. S.s. Þorrareið, vorfagnaði o.s.frv.
8. Hringgerði. Mikilvægt að laga það. Þarf að rifja upp hvað varð af hliðinu sem Fákur ætlaði að gefa. Stjórnin sammála um að ekki sé rétt að afþakka að hliðið sé lagfært á kostnað Fáks. Margir Fáksefagar í Fjárborg og ekkert að því að þeim sé sinnt af Fáki.
9. Samstarf við Fák. Enginn fundur verið haldinn. SG ætlar að heyra í Hirti Bergstað og kanna stöðuna.
10. Fjallskilaseðill. Ólafur Dýrmundsson ætlar að útbúa sameiginlegan fjallskilaseðil fyrir bæði Kópavog og Reykjavík. Þetta verður svona í fyrsta skipti.



11. Fundur með fjáreigendum 1. September, þar sem farið verður yfir göngur og réttir. SG mun boða fundinn á facebook. Mikilvægt að haft verði sérstaklega samband við þá eldri félagar sem ekki eru tölvutengdir.

Næsti fundur ákveðinn þriðjudaginn 24. ágúst kl. 18.30

Fundarritari Finnur Kristinsson.